

集部

淡而不厭者送傳向老令瑞安序	序	有豐文沙六 明 茅坤 撰	唐宋八大家文鈔卷一百二	欽定四庫全書
---------------	---	---------------------	-------------	--------

欽定四庫全書 守亦難合矣故為之言庶夫有知予為不妄者能以此 自處之重而見其進而未止也特心與之向老用舉者 令當知所先後然古之道葢無所用於今則向老之所 令温之瑞安將奉其太夫人以往予謂向老學古其為 守不苟取而妄交太夫人亦忘其貧余得之山陰愛其 辭可喜太夫人春秋高而其家故貧然向老昆弟尤自 而易彼也 向老傳氏山陰人與其兄元老讀書知道理其所為文 百二

送丁琰序 蹇之病故不英爽子固本色自在子固所為本 篇中所見遠而其行文轉調處似不免棋邀紆

守令之於民近且重易知矣予當論今之守令有道而 聞四方者不過數人此數人者非特任守令也過此數 色不足處亦在

賢令至天子大臣當患其然則任奉法之吏嚴刺察之

人有千里者相接而無一賢守有百里者相環而無一

者少不足以知天下之材也則求夫賢而有名位聞與 欽定四庫全書 之孰可舉者卒亦未見馬猶恐余之愚且賤聞與見馬 詔雖下舉者卒不聞惟令或以舊制舉不偕循歲月而 卒亦未見馬舉者既然矣則以余之所見聞陰計其人 授每舉者有姓名得而視之推考其材行能堪其舉者 繼於外於是下詔書擇廷臣使各舉所知以任守令是 天子大臣愛國與民而重守令之意可謂無不至矣而 科以繩治之諸郡守縣令以罪不任職或黜或罷者相

唐宋八大家文剑

之多則自公卿大夫至于牛羊倉廪賤官之選咸宜馬 於天下為教之詳至此也士也有聖人之道則皆得行 庠有序有師友之游有有司之論而賞罰之始於郷屬 愈多豈今之去古也遠治天下卒無術哉益古人之有 患天下之弊則數更法以禦之法日以愈密而弊日以 天下之人固可誣而天固不生材於今哉使天子大臣 見之博者而從之問其人之孰可舉者卒亦未見馬豈 其教有可教之質則皆可為材且良故古之賢也多賢

欽定四庫全書

唐宋八大家文鈔

察而不足以為治者其原益此之出也已噫奚重而不 賢之少則自公卿大夫至于牛羊倉廪賤官之選常不 愚也則愚矣可敬而賢者卒誰教之哉故今之賢也少 士也有聖人之道欲推而教於鄉於天下則無路馬人 勝其弊若今之患哉今也庠序師友賞罰之法非古也 之材豈不多哉亦豈有勞於求而不得人密於法而不 獨千里百里之長哉其為道豈不約且明其為致天下 足其人焉獨守令哉是以其求之無不至其法日以愈

患今之士而常慕古之人每觀良吏一傳則反覆愛之 曰丁君之佐我又知其邑人邑人無不樂道之者予既 更也姑蘇人丁君琰佐南城南城之政平予知其令令

如丁君之信於其邑予於旁近邑之所未見故爱之特 得人矣使丁君一推是心以往信於此有不信於彼哉 深今為令於淮陰上之人知其材而舉用之也於令也

欽定四庫全書

文而余樂道其所常論者以送之以示重丁君且勉之

唐宋八大家文鈔

求余文者多矣拒而莫之與也獨丁君之行也不求余

聴之亦可謂榮矣然而有若不釋然者余為之言曰古 士大夫登朝廷年七十上書去其位天子官其一 且勉天下之凡為吏者也 送周屯田序 議論似屬典刑而文章烟波馳驟不足讀目黎 所送楊少尹致仕序天壤矣 論照應不甚謹嚴 唐荆川曰南豐之文大抵入事以後與前半 E 一子而

自若天子養以燕饗飲食鄉射之禮自比子弟祖韓鞠 之士大夫倦而歸者安居几杖膳羞被服百物之珍好 **羣嬉屬好之交不與約居而獨遊散弃乎山墟林莽僻** 敢勤以事下之自老為無為而尊祭也今一日解事返 縉紳之禮於其家者不以朝則以夕上之聴其休為不 巷窮問之間如此其於長者薄也亦曷能使其不欲然 其廬徒御散矣賔客去矣百物之順其欲者不足人之 **脃以薦其物諮其辭說不於庠序則於朝廷時節之賜與**

欽定四庫全書 乎珍好可以室煩除薄而益安不去乎深山長谷豈不 於心邪雖然不及乎尊事可以委蛇其身而益間不享 古之所以殷勤奉老者皆世之任事者所自為於士之 足以易其庠序之位不居其崇豈有患乎其辱哉然則 倦而歸者顧為煩且勞也今之置古事者顧有司為必 人俱天聖二年進士與余舊且好也既為之辨其不釋 邪余為之言者尚書屯田員外郎周君中復周君與先 耳士之老於其家者獨得其自肆也然則何為動其意 唐宋八大家文钞

荆民與蠻合為寇潭旁數州被其害天子宰相以潭重 病今之失矣南豐曾單序 然者又欲其有以處而樂也讀余言者可無異周君而 鎮守臣不勝任為改用人又不勝復改之守至上書乞 送趙宏序 余當按南越南越州郡吏特得威名者撫而制 者皆非也 之無難者無已則鵰其酋足矣今之請兵大征

欽定四庫全書 行寇可以為無事龔遂張綱祝良之類是也義信不足 若潭事多矣或合數道之兵以數萬絕山谷而進其勢 道雅與余接問過余道潭之事余曰潭山川甲兵如何 益兵詔與撫兵三百殿直天水趙君希道實護以往希 以克者相踵馬顧其義信何如耳致吾義信雖單車獨 非不衆且健也然而卒強馬者多矣或單車獨行然而 以致之雖合數道之兵以數萬卒殲焉適重寇耳況致 食幾何賊眾寡强弱如何余不能知能知書耳書之載 **6**

厚牙八大宥う重

必易之為前之守者不能此也今往者復曰乞益兵何 太守身也明矣前之守者果能此天子宰相烏用易之 子宰相任之之意其然耶潭守近侍臣使撫覘潭者郎 往時潭吏與旁近郡斯力勝賊者暴骸者戮降者有之 其與書之云者異耶子憂潭民之重因也寇之益張也 平耶楊旻裴行立之類是也則兵不能致平致平者在 今之往者將特不為是而已耶抑猶不免乎為是也天 吏御史博士相望為我諗其賢者曰今之言古書往往

欽定四庫全書

唐宋八大家文鈔

之自用孰為得失耶愚言倘可以平潭之患今雖細然 均之為吏或中州之人用於荒邊側境山區海聚之間 大中咸通之間南方之憂嘗劇矣夫豈階於大哉為近 臣郎吏御史博士者獨得而不思也希道固喜事者因 曰迂然書之事乃已試者也師已試而施諸治與時人 其行遂次第其語以送之 送江任序 古來未有此調出子固所自為機軸

羸糧舉藥選舟易馬力兵曹伍而後動戒朝奔夜變更 以至四遐之鄉相易而往其山行水涉沙恭之馳往往 蠻夷異域之處或燕荆越蜀海外萬里之人用於中州 難得也則多愁居惕處歎息而思歸及其久也所習已 寒暑而後至至則宮廬器械衣服飲食之具土風氣候 之所抵觸衝波急狀隤崖落石之所覆壓其進也莫不 之宜與夫人民風謠語言習尚之務其變難遵而其情 則風霜氷雪瘴霧之毒之所侵加蛟龍虺蜴虎豹之羣

欽定四庫全書

医一写二唐宋八大家文鈔

之人朝夕相見如不出乎其里山川之形土田市井風 次升降之倦衝冒之虞無有接於其形動於其處至則 也或九州之人各用於其土不在西封在東境士不必 **外所蔽已解則歲月有期可引而去矣故不得專一** 諡習俗辭說之變利害得失善惡之條貫非其童子之 耳目口鼻百體之所養如不出乎其家父兄六親故舊 勤舟車與馬不必力而已傳其邑都坐其堂與道塗所 思修治具以宣布天子及下之仁而為後世可守之法

らんし うら たれら 夫孤客遠寓之憂而以苟且決事哉臨川江君任為洪 者之所告也所居已安所有事之宜皆已習熟如此能 相入也所謂九州之人各用於其土者孰近於此既已 之豐城此兩縣者牛羊之牧相交樹木果蔬五穀之龍 不待旁諮久察而與奪損益之幾已斷於胸中矣豈累 專慮致勤職事以宣上恩而修百姓之急其施為先後 所聞則其少長之所遊覽非其自得則其鄉之先生老 得其所處之樂而厭聞飫聴其人民之事而江君又有 唐宋八大宗文鈔

詩論之適實客之好而所為有餘矣益縣之治則民自 **剑灾四库全害** 幕府無南嚮而處者矣於其行遂書以送之 得於大山深谷之中而州以無為於上吾將見江西之 聰明敏給之材廉潔之行以行其政吾知其不去圖書 館閣送錢純老知婺州詩序 為治一段言用于其土之易為治 唐荆川曰此文作兩段一段言用于異鄉之難 卷一百二

必相告語擇都城之中廣宇豐堂游觀之勝約日皆會 **閻所以長養其材而待上之用有出使於外者則其僚** 書來曰為我序之益朝廷常引天下儒學之士聚之館 處者之思也乃為詩二十言以示坐者於是在席人各 之觀音院會者凡二十人純老亦重僚友之好而欲慰 出為婺州三館秘閣同舍之士相與飲餞于城東佛舍 熈寧三年三月尚書司封員外郎秘閣校理錢君純老 取其一言為韻賦詩以送之純老至州將刻之石而以

大己の国人はから

唐宋八大家文纱

館閣為編校書籍校理檢討其文章學問有過人者宜 文而已也純老以明經進士制策入等歷教國子生入 為故常其從容道義之樂益他司所無而其賦詩之所 俗之所能及又將待上之考信於此而以其彙進非空 無久於外所以見士君子之風流習尚篤於相先非世 稱引沉論莫不道去者之義祝其歸仕於王朝而欲其 飲酒賦詩以敘去處之情而致綢繆之意歷世寢久以 在天子左右與訪問任獻納而顧請一州欲自試於川

分としたろう

巌

百二

者所以推其賢惜其志殷勤反覆而不能已余故為之 窮山阻僻絶之地其志節之高又非凡才所及此賦詩 純老之非久於外也十月日序 序其大台以發明士大夫之公論而與同舍視之使知 贈黎安二生序 **象藹然篇中觀者不但可以想見其人而又可** 王遵岩曰治朝盛世文儒遭逢出入得意之氣 以知其時也 唐宋八大家文鈔

欽定四庫全書 |

5

攜其文亦數千言辱以顧余讀其文誠閎壯雋偉善反 生固可謂題奇特起之士而蘇君固可謂善知人者也 覆馳騁窮盡事理而其材力之放縱若不可極者也二 之士曰黎生安生者既而黎生攜其文數十萬言安生 頃之黎生補江陵府風法泰軍將行請余言以為贈余 那蘇軾余之同年友也自蜀以書至京師遺余稱蜀 文之中尺度者也 子固作文之古與其所自任處並已緊見可謂 歸且重得罪庸詎止於笑乎然則若余之於生將何言 道而不知同乎俗此余所以困於今而不自知也世之 求子之言益將解惑於里人余聞之自顧而笑夫世之 者耳患為笑於里之人若余之迁大矣使生持吾言而 迂濶孰有甚於余乎知信乎古而不知合乎世知志乎 生曰生與安生之學於斯文里之人皆笑以為迂濶今 曰余之知生既得之於心矣迺將以言相求於外邪熱 迁濶孰有甚於余乎今生之迁特以文不近俗迁之小

敏定四庫全書

唐宋八大家文鈔

里人之感則於是馬必能擇而取之遂書以贈二生并 世必違乎古有以同乎俗必離乎道矣生其無急於解 哉謂余之迁為善則其患若此謂為不善則有以合乎 古之州從事皆自辟士士亦擇所從故賔主相得也如 示蘇君以為何如也 送蔡元振序 唐荆川曰議論謹密 才燄少宕特其所見亦有可取

從事舉其政亦勢然也議者不原其勢以為州之政當 志未可以輒去也故守之治從事無為可也守之不治 得擇士士亦不得擇所從實主豈盡相得哉如不得其 任也可乎不可也則舉其政其孰為立異邪其孰為侵 同可乎不可也州為不治矣守不自任其責已亦莫之 其州事職也不惟其同守之同則舍已之是而求與之 不得其志去之可也今之州從事皆命於朝非惟守不 一出於守從事舉其政則為立異為侵官噫從事可否 唐书一大家文》

幸而材從事际其政之缺不過室於歎途於議而已脫 官邪議者未之思也雖然迹其所以然豈士之所喜然 然莫以為已事反是馬則激激亦奚以為也求能自任 哉故曰亦勢然也今四方之從事惟其守之同者多矣 其幾邪臨川蔡君從事於汀始試其為政也汀誠為州 無同也惟其義而已矣蔡君之任也其異日官于朝 治也蔡君可拱而坐也誠未治也人皆觀君也無激也 其责者少矣為從事乃爾為公卿大夫士於朝不爾者 人 巻一百二

金定四庫全書

文故序而送之 於是而已矣亦蔡君之任也可不懋歟其行也來求吾 紋盗 唐荆川曰此文入題以後照應獨為謹 重於不恐刑之之意此于固之文所以動合典 前半篇按圖次盜情本末如畫後半篇則又歸 南豐諸文 刑也而子固之讞獄詳悉處亦可具見矣

盗三十人几十五發縣孫僊而下盗吳慶船者殺人皆 朱欲覽者之易晓也吳慶之船贓分為三與吳慶吳道 湯慶而下或贓輕或竊盜或當自言凡應徒者十有二 應斬盜朱縞船者贓重皆應絞凡應死者十有八人縣 干發皆旁行以見之人各别其凡若干發者又別之以 其發之日月所盜之家所取之財至於人各別其凡若 人此有司之法也今圖之所見者其名氏稅等械器與 之屬有親疎居有異同至於孫傑湯慶之族屬以及十

終一百二月月十月日産

餓之迫無樂生之情其屢發而為盜亦情狀之可哀者 之人乎方且結草葦以自託於壞堤毀垾之上士有饑 官栗以脈民而猶有不得食者窮鄉僻壤大川長谷之 間自中家以上日昃持錢無告羅之所況於躡所素困 重詳矣其創作兵仗合衆以轉却數百里之間至於賊 甚矣田疇既以蕩溺矣屋廬既以漂流矣城郭之內糴 殺良民此情狀之尤可嫉者也方五六月之時水之害 二人之所以得不死者皆别見於圖之上下而獄之輕

欽定四庫全書

唐宋八大家文鈔

五

備也茍為養之既有不足導之既有不明俟之之道既 道盜其先變乎此謂養之既足導之既明則為盜者知 謂不待教而誅者也是則殺人之盗不待教而誅皆百 得容也待教而誅者俟之之道既盡矣然後可以責之 同而未有知其所始者也不待教而誅者天下之所不 恥而自新則非殺人之盜有待教而誅此亦百王之所 王之所同而未有知其所始者也然而孔子曰天下有

也康誥曰殺越人于貨賢不畏死凡民罔不憝孟子以

盡心矣 與贓重者亦不降有司之法存馬亦康誥之意也余當 密下寬大之令許降其罪而此非有司之法也至殺人 閱是獄故具列其本末情狀以覽觀馬以明余之於是 有不盡矣故凶年人食不足而有起為盜賊者天子嘗 序越州鑑湖圖 通篇點次鑑湖如天官家之次三垣五星二十 八緯以及飛流疾伏無不擘畫如掌而又恐後

欽定四庫全書

医一写二

皆委之州之東自城至于東江其北段石建二陰溝十 東六十里自東城至于東江其南隄陰溝十有四通民 有九通民田田之南屬漕渠北東西屬江者皆溉之州 有五年矣其周三百五十有八里凡水之出於東南者 鑑湖一曰南湖南並山北屬州城漕渠東西距江漢順 永和五年會稽太守馬臻之所為也至今九百七十 駁曾公之文固雄而其經世之略亦概見矣 之勢家或請為田而廢也於是又詳為辨覈然 とこう 之循南是而東者由之以入于東江其西日廣陵斗 之西三十里曰柯山斗門通民田田之東並城南並是 北曰朱儲斗門去湖最遠葢因三江之上两山之間疏 四鄉之田九千頃非湖能溉田九千頃而已益田之至 北濱漕渠西屬江者皆溉之總之溉山陰會稽兩縣十 江者盡於九千頃也其東曰曹娥斗門曰豪口斗門水 田田之北抵漕渠南並山西並是東屬江者皆溉之州 日新逕斗門水之循北隄而西者由之以入于 西江其

1.1.

唐宋八大家文針

き

縱之使入于三江之口所謂湖高於田丈餘田又高海 治平之間盜湖為田者凡八千餘戸為田七百餘頃而 州縣使復田為湖然自此吏益慢法而奸民浸起至於 之間二戶為田四頃當是時三司轉運司猶下書切責 丈餘水少則泄湖溉田水多則泄田中水入海故無荒 為二門而以時視田中之水小滥則縱其一大滥則盡 也宋與民始有盜湖為田者祥符之間二十七戶慶歷 廢之田水旱之歳者也繇漢以來幾千載其利未嘗廢 卷一百二

多员四月全書

10 1 1 1 1 1 1 1 1 1 I 者杜把則謂盜湖為田者利在縱湖水一雨則放聲以 十餘丈每歲少雨田未病而湖葢已先涸矣自此以來 寸山陰主之而斗門之鑰使皆納于州水溢則遣官視 深八尺有五寸會稽主之一在跨湖橋水深四尺有五 動州縣而斗門輒發故為之立石則水一在五雲橋水 里南通若耶溪自樵風涇至于桐陽十里皆水廣不能 人爭為計說將堂則謂宜有罰以禁侵耕有賞以開告 湖廢幾盡矣其僅存者東為漕渠自州至于東城六十 多ドへと記しか

約則謂宜斥湖三之一 謂湖廢僅有存者難卒復宜益廣漕路及他便利處使 加兩縣之長以提舉之名課其督察而為之殿賞吳奎 主役而州與轉運使提點刑獄督攝賞罰之張次山則 其苗青其力以復湖而重其罰猶以為未也又以謂宜 可漕及注民田里置石柱以識之柱之内禁敢田者刁 則謂每歲農隙當僦人濬湖積其泥塗以為丘阜使縣 一與民為田而益隄使高一

多足匹库全書

巻一百二

則而謹其閉縱又以謂宜益理隄防斗門其敢田者拔

當九歲畢然恐工起之日浮議外摇役夫內潰則雖有 水較之高於城中之水或三尺有六寸或二尺有六寸 禁猶不能使民無犯而斥湖與民則侵者孰禦又以湖 智者猶不能必其成若日役五千人益隄使高八尺當 則謂日役五千人濬湖使至五尺當十五歳畢至三尺 而益隄壅水使高則水之敗城郭廬舍可必也張伯玉 湖可不開而其利自復范師道施元長則謂重侵耕之 **歲罪其竹木凡費九十二萬有三千計越之戶二十**

欽定四庫全書

唐宋八大家文鈔

苟且之俗勝也昔謝靈運從宋文帝求會稽回踵湖為 謂宜增賞罰之令其為說如此可謂博矣朝廷未嘗不 萬有六千賦之而復其租其勢易足如此則利可坐收 聽用而著之於法故罰有自錢三百至於千又至於五萬 宜從吳奎之議以歲月復湖當是時都水善其言又以 刑有杖百至於徒二年其文可謂密矣然而田者不止 而人不煩弊陳宗言趙誠復以水勢高下難之又以謂 而日愈多湖不加濬而日愈廢其故何哉法令不行而

欽定四庫全書 奉非得晏然而已也故强水土之政以力本利農亦皆 或以一國自王內有供養祿廪之須外有貢輸問饋之 有數而錢鏐之法最詳至今尚多傳於人者則其利之 利未當廢者彼或以區區之地當天下或以數州為鎮 漢歷吳晉以來接于唐又接于錢鏐父子之有此州其 以語紙之則利於請湖為田越之風俗舊矣然南湖縣 不廢有以也近世則不然天下為一而安於承平之故 田太守孟顗不聴又求休崲湖為田顗又不聴靈運至 唐宋八大家文鈔

來易至之責以待未然之功乎故說雖博而未嘗行法 而已故以為法令不行而苟且之俗勝者豈非然哉夫 雖密而未當舉田者之所以日多湖之所以日廢縣是 所難故鄭國之役以謂足以疲秦而西門豹之治鄴渠 往往足以動人至於修水土之利則又費財動衆從古 在位者重舉事而樂因循而請湖為田者其言語氣力 千歳之湖廢與利害較然易見然自慶歷以來三十餘 人亦以為煩苦其故如此則吾之吏孰肯任難當之怨

於事之隱微難得而考者縣苗簡之故而弛壞於冥冥 知利害者也謂湖不必濟者曰益是壅水而已此好辯 未覩者故曰此游談之士為利於侵耕者言之而非實 盡廢則湖下之田旱此方今之害而衆人之所想也使 之中又可知其所以然乎今謂湖不必復者曰湖田之 次已日日 日本 湖盡廢則湖下之為田亦旱矣此將來之害而衆人所 入既饒矣此游談之士為利於侵耕者言之也夫湖未 年遭吏治之因循至於既廢而世猶莫寤其所以然況 唐宋八大家文鈔

之而又非實知利害者也二者既不可用而欲禁侵耕 益段未為有補也故曰此好辯之士為樂聞药簡者言 言也又山陰之石則為四尺有五寸會稽之石則幾倍 必敗城郭此議者之所已言也以地勢較之濬湖使下 之士為樂聞的簡者言之也夫以地勢較之壅水使高 之壅水使高則會稽得尺山陰得半地之窪隆不並則 開告者則有賞罰之法矣欲謹水之畜泄則有閉縱之 然後不失其舊不失其舊然後不失其宜此議者之所未 金グセルノコー 卷一百二


たろうえこよう 木之費幾何使之安出欲知濬湖之泥塗積之何所又 矣欲知濬湖之淺深用工若干為日幾何欲知增堤竹 其可者而以在我者潤澤之令言必行法必舉則何功 已計之矣欲知工起之日或浮議外摇役夫內潰則不 欲以每歲農際溶湖或欲禁田石柱之內者又皆有法 罰又有法矣或欲任其責於州縣與運使提點刑獄或 法矣欲痛絕敢田者則拔其苗責其力以復湖而重其 可以必其成又已論之矣誠能收衆說而考其可否用

考馬熈寧二年冬卧龍齊 之而書具然後利害之實明故為論次庶夫計議者有 於兩縣問書於州與河渠司至於無覈之而圖成熟究 之不可成何利之不可復哉鞏初蒙恩通判此州問湖 金员四库全書 /廢興於人求有能言利害之實者及到官然後問圖 送李材叔知柳州序 遊南粤者之勸 立意似淺然亦本人情而為之者錄之以為厭 巻一百

葢吏者莫致其治教之意也意亦其民之不幸也已彼 久居往往車船未行輛以屈指計歸日又咸小其官以 談者謂南越偏且遠其風氣與中州異故官者皆不欲 欽定四庫全書 於 始俱為夷閩蜀皆已變而越獨尚恆豈其俗不可更與 千餘年而名能撫循其民者不過數人邪故越與閩蜀 為不足事其逆自為慮如此故其至皆傾摇解弛無憂 且勤之心其習俗從古而爾不然何自越與中國通已 不知繇京師而之越水陸之道皆安行非若閩溪峽江 長一丁二唐宋八大家文鈔 二 十 三

焦柑橄欖花有素馨山丹含笑之屬食有海之百物累 語之與中州亦不甚異起居不違其節未嘗有疾茍違 者專州豈當小其官而不事邪令其得吾說而思之人 之人為一 節雖中州寧能不生疾邪其物產之美果有荔子龍眼 歳之酒醋皆絶於天下人少關訟喜嬉樂吏者唯其無 蜀棧之不測則均之吏於遠此非獨優歟其風氣吾所 久居之心故謂之不可如其有久居之心奚不可邪古 鄉 縣其德義惠愛尚足以薰蒸漸澤今大

欽定四庫全書 為縣入秘書省為著作佐郎今材叔為柳州公翊為象 官於南者多矣予知其材之類然邁於衆人能行吾說 咸有久居之心又不小其官為越人滌其陋俗而歐於 者李材叔而已材叔久與其兄公翊仕同年同用薦者 勢之便可勝道也夫其越人之幸也夫其可賀也夫 州皆同時材又相若也則二州交相致其政其施之速 之巨細可知也然非其材之類然邁於衆人者不能也 治居閩蜀上無不幸之歎其事出千餘年之表則其美 と一年二 東宋八大家文鈔



欽定四庫全書 唐京父家文欽卷一百一種

侍讀臣孫球覆勘 詳校官左中允中題五珠

校對官學正臣陳 總校官檢討臣何思釣 腾碌舉人臣孫祥鳳

砂定四車全 50 學學學學 は間では、 The state of the s 01.00 Per 100 唐宋八大家文鈔 Carrie 心而其行文亦屬作者之 明 撰

必度於禮義及其已衰而縉紳之徒抗志於强暴之間 家之後言道德者於高遠而遺世用語政理者務即近 於其時者皆勇於自立無茍簡之心其取與進退去就 王之道者楊雄而已而雄之書世未知好也然士之出 先王之道不明而學者靡然溺於所習當是時能明先 矣又爭為章句訓詁之學以其私見妄臆穿鑿為說故 周衰先王之迹熄至漢六藝出於秦火之餘士學於百 而非師古刑名兵家之術則狃於暴詐惟知經者為善

金グログノニー

基一百=

尊而守之者則未必衆也故樂易敦朴之俗微而詭欺 務之非近議政理之體而知法古之非迁不亂於百家 軌之臣猶低何没世不敢遂其篡奪自此至於魏晉以 不蔽於傳疏其所知者若此此漢之士所不能及然能 知其意而往往好之故習其說者論道德之旨而知應 於千載之外明先王之道以寤後之學者世雖不能皆 來其風俗之弊人材之乏久矣以迄於今士乃有特起 至於廢錮殺戮而其操愈厲者相望於先後故雖有不

次已写事在写

唐宋八大家文鈔

豈非信歟令漢與今有教化開導之方有庠序養成之 於漸摩之久則果於義者非强而能也今之士選用於 亦不自知其至也由是觀之則上所好下必有甚者馬 文章故不得不篤於所學至於循習之深則得於心者 故何哉縣漢之士察舉於鄉間故不得不篤於自修至 薄惡之習勝其於貧富貴賤之地則養廉遠恥之意必 所聞或淺而其義甚高與所知有餘而其守不足者其 而偷合苟得之行多此俗化之美所以未及於漢也夫

金男ヒエノコー

大臣のしたます 郎中董君儀董君乃與通判州事國子博士鄭君猜相 治平三年益二十有三年矣始告于知州事尚書都官 之初詔天下立學而筠獨不能應詔州之士以為病至 以導之如何爾筠為州在大江之西其地僻絕當慶歷 於人所難至者既幾矣則上之施化莫易於斯時顏所 致其知則知者固善之端而人之所難至也以今之士 道將欲誠意正心修身以治其國家天下而必本於先 法則士於學行豈有彼此之偏先後之過乎夫大學之 唐宋八大家文針

堂休息之廬至於庖湢庫廐各以序為經始於其春而 則是宮之作非獨使夫來者玩思於空言以干世取祿 其賢者超然自信而獨立其中材勉馬以待上之敎化 使筠之士相與升降乎其中講先王之遺文以致其知 書走京師請記於予予謂二君之於政可謂知所務矣 金好四月百十 而已故為之著予之所聞者以為記而使歸刻焉 落成於八月之朢既而來學者常數十百人二君乃以 州之東南得亢爽之地築宮於其上齊祭之室誦講之 百三

宜黄縣學記 子固記學所論學之制與其所以成就人材處

古之人自家至於天子之國皆有學自幼至於長未嘗 非深於經術者不能韓歐三蘇所不及處

之節以習其心體耳目手足之舉措又有祭祀鄉社養 老之禮以習其恭讓進材論獄出兵授捷之法以習其 去於學之中學有詩書六藝弦歌洗爵俯仰之容升降

從事師友以解其感勸懲以勉其進戒其不率其所以 唐宋八大家文钞

欽定四庫全書

業萬世之策皆得及出而履天下之任列百官之中則 後終始之要無所不知其在堂戶之上而四海九州之 使知天地事物之變古今治亂之理至於損益廢置先 默之際而無不得其宜臨之以禍福死生之故而無足 動其意者為天下之士而所以養其身之備如此則又 過不及使其識之明氣之充於其心則用之於進退語 為具如此而其大要則務使人人學其性不獨防其邪 **傩放肆也雖有剛柔緩急之異皆可以進之於中而無**

百三

舞天下而人不知其從之豈用力也哉及三代衰聖人 守其入人之深則雖更衰世而不亂為教之極至此鼓 材之成則三公百官得其士其為法之永則中材可以 使其治於內其謹於初者必使其要於終馴之以自然 而待之以積久噫何其至也故其俗之成則刑罰措其 皆自學出而無斯須去於教也其動於視聽四支者必 起居飲食動作之小事至於修身為國家天下之大體 隨所施為無不可者何則其素所學問然也益凡人之

飲空四車全書 T

唐宋八大家文鈔

時無州之宜黃猶不能有學士之學者皆相率而寓於 世之務而以學為先於是天下之學乃得立而方此之 **積其不以此也 敏宋與幾百年矣慶歷三年天子圖當** 治不教之民嗚呼仁政之所以不行盗賊刑罰之所以 益以不學未成之材而為天下之吏又承衰弊之後而 有聰明朴茂之質而無教養之漸則其材之不成固然 性之舉動唯其所自肆而臨政治人之方固不素講士 之制作盡壞千餘年之間學有存者亦非古法人之體 卷一百三 **欽定四車全書** 書經史百氏翰林子墨之文章無外求者其相基會作 **祀飲寢食之用皆具其像孔氏而下從祭之士皆備其** 其材不賦而羨匠不發而多其成也積屋之區若干而 與其徒皆自以謂得發憤於此莫不相屬而趨為之故 門序正位講藝之堂栖士之舍皆足積器之數若干而 春秋釋真之事以著於令則常以廟祀孔氏廟廢不復 理皇祐元年會令李君詳至始議立學而縣之士某某 州以羣聚講習其明年天下之學復廢士亦皆散去而 唐宋八大家文鈔

|學發憤之俗作為宮室教肄之所以至圖書器用之須 莫不皆有以養其良林芝士雖古之去今遠矣然聖人 愛立訟清事舉其政又良也夫及良令之時而順其慕 果然也與宜黃之學者固多良士而李君之為令威行 響應而圖之如恐不及則夫言人之情不樂於學者其 之作在其廢學數年之後唯其令之一唱而四境之內 之初有司之議固以謂學者人情之所不樂及觀此學 之本末總為日若干而已何其周且速也當四方學廢 次ピヨ青とは 縣之士來請日願有記故記之十二月某日也 成人材出矣教化之行道德之歸非遠人也可不勉缺 於一家一家之行修移之於鄉鄰族黨則一 家天下之大務則在其進之而已使一人之行修移之 禮樂節文之詳固有所不得為者若夫正心修身為國 之典籍皆在其言可考其法可求使其相與學而明之 瀛州與造記 刀尺不踰 唐宋八大家文鈔 一縣之風俗

北邊自通使契丹城壁樓櫓禦守之具寢弛不治習以 一錢作公命援兵警備記于既息人無爭偷里巷安輯維 栗以石数之至一百三十萬兵器他物稱是無壞者初 覆冒公開示便宜使有攸處遂行倉庫經營益障雨止 出慰晓訛言乃止是日大雨公私暴露食儲庫積無所 甚是日再震民訛言大水且至驚欲出走諫議大夫李 熙寧元年七月甲申河北地大震壞城郭屋室瀛州為 公肅之為高陽關路都總管安撫使知瀛州事使人分 1 卷一百三

金好见屋名量

重困也迺請於朝力取於旁路之羨卒費取於備河之 為故公因災變之後以與壞起廢為已任知民之不可 其餘力為南北甬道若干里人去汙淖即于夷塗自七 **休有次食有高廪貨有深藏賔屬士吏各有寧宇又以 圯壤之屋莫不繕理復其故常周而覽之聽斷有所燕** 間先時州之正門弊在狹陋及是始斥而大之其餘几 里高廣堅壯率加於舊其上為敵樓戰屋凡四千六百 餘材又以錢千萬市木於真定既集迺築新城方十五

大日の野人は

唐宋八大家文鈔

金岁巴尼人 若干百益遭變之初財匱民流此邦之人以謂役鉅用 官室合於時制詩人歌之今瀛地震之所摧敗與鄭之 若干千若干百工其竹 葦木尾之用積若干萬若干千 為成如是之敏事間有詔嘉與昔鄭火災子產救災補 艱不累數稔城壘室屋未可以復也至於始作踰時功 敗得宜當理史實書之衛有狄人之難文公治其城市 以告具益公經理勸督內盡其心外盡其力故能易壞 月庚子始事至十月巳未落成其用人之力積若干萬 悉 百三

一者故南陵地唐昭宗始以為縣縣百四十餘年無城垣 與軍政在公幕府迺以書來屬予記之予不得辭故為 故瀛之士大夫皆欲刻石著公之功而予之從父兄適 火災衛之寇難無異公禦備構築不失其方亦猶古也 太宗二年取宣之三縣為太平州而繁昌在籍中繁昌 之記尚俾來世知公之嘗勤於是那也 繁昌縣與造記 亦有幅尺 唐宋八大家文鈔

飲定四車全書

肯來行旅者不肯遊政事愈以疵市區愈以索宴為鄉 老吏民者羞且憾之事之窮必變故今有能令出因民 恬不知改革日入於壞故世指繁昌為陋縣而仕者不 取於民出入無門關賓至無舍館今治所雖有屋而痺 而濱大江常編竹為障以自固歳輒更之用材與力一 之所欲為悉破去竹障而垣其故基為門以通道往來 不可省而獄訟賦役失其平歷七代為令者不知幾人 |破露至聴訟於廡下案牘簿書棲列無所往往散亂 百 たこりき ハナラ 之年月日也始繁昌為縣止三千戸九十年間四聖之 太初此令之姓名字也慶歷七年十月二十三日此成 **厄湢各以序為廰之東西隅凡案牘簿書室而藏之於** 是乎在自門至於寢廬總為屋凡若干區自計材至於 其中廊之兩旁為羣吏之舍視事之廳便坐之齊寢廬 既又自大其治所為重門步廊門之上為樓歛勑書置 而屋以取固即門之東北構亭瞰江以納四方之賔客 用工總為日凡二千三百九十六日 而落成焉 夏希道 唐宋八大家文鈔

金好四月五十 之勝處可樂也今復得能令為樹立如此使得無歲費 蝦竹簟柿栗之貨足以自資而無貧民其江山又天下 陋名而仕者爭欲來行旅者爭欲遊昔之疵者日已減 獄訟賦役之書悉完則是非倚而可定也予知縣之去 徳澤覆露生養今幾至萬家田利之入倍他壤有餘魚 去而索宴者日以富養稱其縣之名其必自此始夏令 居不惟得以安而民吏之出入仰望者益知尊且畏之 而有巨防實至不惟得以休而耳目尚得以為之觀令 卷一百

壞之未可必也故屬予記其不特以著其成其亦有以 者得卒與其所尤難皆可喜無憾也惟其欲後人不廢 難也今繁昌民既幸得其所難得而令又幸無不便已 得能令而與事尤難幸而事與而得後人不廢壞之又 所謂知政者歟於是過子産矣凡縣之得令為難幸而 歟昔孟子譏子産惠而不知為政於戲如夏令者庶幾 興利除弊可法也而其變因循就功效獨何其果且速 用薦者為是縣至二十七日而計材以至於落成不惟 唐末八大家文砂

とこううこう

警也 為後世之吏得行其志者少矣此仕之所以難也而縣 金好四牌全書 其罪固易求也凡有所為問可不可於州執一而違之 委曲當有所操縱緩急不能一 為最甚何哉凡縣之政無小大令主簿皆獨任而民事 洪州新建縣廳壁記 **覽此文則知為縣者所甚難** 1 百三 斷以法舉法而絕之則

則其勢固易撓也其罪易求其勢易撓故為之者有以

欽定四庫全書 忘其勢而好惡不妄者鮮矣能忘人之勢而强力不苟 豈足道哉縣有不與其擾者乎方是時也而天下之能 者亦鮮矣州負其强以取威縣憂其弱以求免其習已 者求其罪小者撓其勢將不遺其力矣吏之不能自安 雖無所處而不安然其於自處也未嘗不擇仕而得擇 久其俗已成之後而守正循理以求其得於州其亦不 得於州然後其濟可幾也不幸其一錙錄與之咈則大 可以必也則仕於此者欲行其志豈非難也哉君子者 唐宋八大家文鈔

ē

其自處則縣之事有不敢任者豈可謂過也哉洪州新 縣之難使來者得覽馬 也公權亦喜其職之行因考次凡為令者名氏將伐石 權來為其令抑豪縱惠下窮守正循理而得濟其志者 年為令者凡三十有九人而秘書省著作佐郎黄巽公 建自太平與國六年分南昌為縣至嘉祐三年凡若干 以書而列置于壁間故予為之載其行治而因著其為 齊州二堂記

齊濱濼水而初無使客之館使客至則常發民調材木 辨証的確得太守體

帝紀謂舜耕歷山漁雷澤陶河濱作什器於壽丘就時 堂於灤水之上以舍客因考其山川而名之葢史記五 為舍以寓去則撤之既費且陋乃為徙官之廢屋為二

於負夏鄭康成釋歷山在河東雷澤在濟陰負夏衛地

欽定四庫全書 丘亭是也以予考之耕稼陶漁皆舜之初宜同時則其 皇甫謐釋壽丘在魯東門之北河濱濟陰定陶西南陶 唐宋八大家文鈔

之間地相望則歷山不宜獨在河東也孟子又謂舜東 則耕歷山益不同時而地亦當異世之好事者迺因為 號也予觀虞書及五帝紀葢舜娶尭之二女廼居媯汭 稱雷首山在河東為水出馬而此山有九號歷山其 夷之人則陶漁在濟陰作什器在魯東門就時在衛耕 地不宜相遠二家所釋雷澤河濱壽丘負夏皆在魯衛 水出於雷首遷就附益謂歷山為雷首之別號不考其 歷山在齊皆東方之地合於孟子按圖記皆謂禹貢所

尤甚及至於厓下則泊然而止而自厓以北至于歷城 實矣由是言之則圖記皆謂齊之南山為歷山舜所耕 諸谷之水西北匯于黑水之灣又西北匯于栢厓之灣 處故其城名歷城為信然也令際上之北堂其南則歷 而至于渴馬之厓葢水之來也泉其北折而西也悍疾 山也故名之曰歷山之堂按圖泰山之北與齊之東南

大正日山上

之曰趵突之泉齊人皆謂當有棄糠於黑水之灣者而

唐宋八大家文鈔

之西葢五十里而有泉湧出高或至數尺其旁之人名

水嘗見於春秋魯桓公十有八年公及齊侯會于樂杜 濟者皆於是乎出也齊多甘泉冠于天下其顯名者以 濼水之所入者清河也預葢失之今濼上之南堂其西 預釋在歷城西北入濟水濟自王莽時不能被河南而 十數而色味皆同以予驗之葢皆樂水之旁出者也樂 趵突之泉冬温泉旁之疏甲經冬常紫故又謂之温泉 其注而北則謂之際水達于清河以入于海舟之通于 見之於此葢泉自渴馬之厓潛流地中而至此復出也

金分口屋台書

卷一百二

とうこくい 予曰願有紀葢湖之大五十里而在鄞之西十二里其 鄞縣張侯圖其縣之廣德湖而以書并古刻石之文遺 館而辨其山川者皆太守之事也故為之識使此邦之 南則樂水之所出也故名之曰樂源之堂夫理使客之 八尚有考熙寧六年二月已丑記 廣徳湖記 本末纖悉得記事法纔是有用文字不如鑑湖 圖序更妙 唐术八大京文钞

湖而今名大歷八年令儲僊舟之所更也貞元元年刺 水注之者則此湖也舟之通越者皆繇此湖而湖之産 之鄉十有四其東七鄉之田錢湖漑之其西七鄉之田 以得罪而湖卒不廢刺史李敬方與後素皆賦詩刻石 任事者左右之為出御史李後素驗視後素不為撓民 史任侗又治而大之大中元年民或上書請廢湖為田 源出於四明山而引其北為漕渠泄其東北入江凡鄞 有見雁魚鱉茭蒲葭莢葵蓴蓮芡之饒其舊名曰鸎胆

金足四库全書

巻一百三

之於一 以見其事其說以謂當是時湖成三百年矣則湖之與 夷庚始正湖界起限十有八里以限之湖之濱有地曰 而湖始復轉運使言其事詔禁民敢田者至其後遂著 湖為田久不能正至道二年知州事丘崇元躬按治之 其在梁齊之際與宋與淳化二年民始與州縣殭吏盜 林村砂末日高橋臘臺而其中有山日白鶴日望春自 百頃為之既而務益取湖以自廣天禧二年知州事李 一州敕咸平中賜官吏職田取湖之西山足之地

飲定四車全書

唐宋八大家文鈔

Ļ

太平興國以來民冒取之夷庚又命禁絕而湖始復天 聖景佑之間民復相率請湖為田州從事張大有案行 合りモル 農以早告張係為出營度民田湖旁者皆喜願致其力 止之而知州事李照又言其事報如至道詔書照以刻 自主之一不以屬吏人以不擾而咸勤超於是築環湖 張侯計工賦材擇民之為人信服有知計者使督役而 公望又益治湖至張侯之為鄞則湖久不治而七鄉之 之石自此言請湖為田者始息而康定某年縣主簿曾 百百三

白鶴之山相直因以其山名之上為廟一以祠神之主 之隄凡九千一百三十四丈其廣一丈八尺而其高。 此湖者一以祠吏之有功於此湖者以熈寧元年十 之益舊總為碶九為埭二十隄之上植榆柳益舊總為 間而扁以木視水之小大而閉縱之謂之碑於是又為 三萬一百又因其餘材為二亭於隄上以休而與望春 尺廣倍於舊而高倍於舊三之二鄞人累石陻水闕其

欽定四庫全書

月始役而以明年二月卒事其用民之力八萬二千七 唐宋八大家文鈔

者數矣縣屢有人故益以治益大歷之問溉田四百頃 大中八百頃而今二千頃矣則人之存亡政之廢舉為 知所以為力予方患之觀廣德之與以數百年危於廢 舟不病涸魚雁茭葦果蔬水産之良皆復其舊而其餘 百九十有二工而其材出於工之餘既成而田不病旱 民之幸不幸其豈細也歟故為之書尚俾來者知毋廢 州事越之南湖久廢不治葢出於吏之因循而至於不 及於比縣旁州張侯於是可謂有勞矣是年予通判越


たいりゅんかう 之世曰鄢水左丘明傳魯桓公十有三年楚屈瑕伐羅 荆及康狼楚之西山也水出二山之間東南而流春秋 前人之功以永為此那之利而又將與越之人圖其廢 及鄢亂次以濟是也其後曰夷水水經所謂漢水又南 也張侯名峋字子堅以材聞去而為提舉两浙路常平 廣惠倉兼管勾農田差役水利事方且用於時云 襄州宜城縣長渠記 千年鄢水本末如掌而通篇措注一一有法 唐宋八大家文鈔


城宋孝武帝永初元年築宜城之大堤為城今縣治是 楚都也遂拔之秦既得鄢以為縣漢惠帝三年改曰宜 謂夷水避桓温父名改曰蠻水是也秦昭王三十八年 過宜城縣東夷水注之是也又其後日蠻水酈道元所 也而更謂即曰故城鄢入秦而白起所為渠因不廢引 使白起將攻楚去鄢百里立揭壅是水為渠以灌鄢郡 即水以灌田田皆為沃壤今長渠是也長渠至宋至和 二年久隳不治而田数苦旱州飲者無所取今孫永曼

金分四月在書

たこりらいたう 並渠之民足食而甘飲其餘栗散於四方葢水出於西 使水還渠中自二月內午始作至三月癸未而畢田之受 山諸谷者其源廣而流於東南者其勢下至今千有餘 及白起資以禍楚而後世顧賴其利酈道元以謂溉田 其侵爭民皆以為宜也益隱水之出西山初棄於無用 渠水者皆復其舊曼叔又與民為約束時其蓄泄而止 二千餘頃至今千有餘年而曼叔又舉衆力而復之使 叔率民田渠下者理渠之壞塞而去其淺隘遂完故場 唐宋八大家文鈔

豈得而常而後世欲行水溉田者往往務躡古人之遺 年而山川高下之形勢無改故曼叔得因其故迹與於 金分四月全書 張環唐公公聰之不疑沮止者不用故曼叔能以有成 跡不考夫山川形勢古今之同異用力多而成功少是 故道至於濟水又王莽時而絕況於衆流之細其通塞 亦其不思也歟初曼叔之復此渠白其事於知襄州事 既廢使水之源流與地之高下一有易於古則曼叔雖 力亦莫能復也夫水莫大於四瀆而河葢數徙失禹之 卷一百三 次にり上へき 封為汝陰始以書告之而是秋大旱獨長渠之田無害 十年如其初也予為之定著令上司農八年曼叔去開 舉余至而問馬民皆以為賢君之約束相與守之傳數 余於東門為余道長渠之事而該余以考其約束之廢 愈明也熙寧六年余為襄州過京師曼叔時為開封訪 職非有求於世也及其後言栗竭者養出然其心葢或 則渠之復自夫二人者也方二人者之有為益將任其 有求故多詭而少實獨長渠之利較然而二人者之志 唐宋八大家文鈔





金页四月月 能以亡為存益其力也孺子於時豫章太守陳蕃太尉 感慨奮激至於解印綬棄家族骨肉相勉赴死而不避 殁而漢亦以亡當是之時天下聞其風慕其義者人 其執彌堅而其行彌勵志雖不就而忠有餘故及其既 大夫多豪傑特起之士相與發憤同心直道正言分別 百餘年間擅彊大與非望者相屬皆逡巡而不敢發漢 是非白黑不少屈其意至於不容而織羅鉤黨之獄起 **顧望不知所為漢既失其操柄紀綱大壞然在位公卿** 卷一百四

於懷祿之臣遠矣然而不屑去者義在於濟物故也孺 至益忘已以為人與獨善於隱約其操雖殊其志於仁 黄瓊辟皆不就舉有道拜太原太守安車備禮召皆不 亦稱孔子可以進則進可以止則止乃所願則學孔子 子稱顏回用之則行舍之則藏惟我與爾有是夫孟子 皇寧處此其意亦非自足於丘壑遺世而不顧者也孔 子嘗謂郭林宗曰大木將顛非一 也在位士大夫抗其節於亂世不以死生動其心異 唐书八大家文沙 繩所維何為棲棲不

太守徐熙於孺子墓隧種松太守謝景於墓側立碑晉 北經南昌城西歷白社其西有孺子墓又北歷南塘其 孺子姓徐名稱孺子其字也豫章南昌人按圖記章水 則見其不可而止此孺子之所以未能以此而易彼也 永安中太守夏侯嵩於碑旁立思賢亭世世修治至拓 東為東湖湖南小洲上有孺子宅號孺子臺吳嘉禾中 而易於君子小人消長進退擇所宜處未嘗不惟其時 跋魏時謂之聘君亭今亭尚存而湖南小洲世不知其

多定四庫全書

嘗為孺子宅又嘗為臺也予為太守之明年始即其處 其出處之意為記焉 地而臺幸可考而知祠之所以示邦人以尚德故并采 今且千歲富貴堙滅者不可勝數孺子不出問巷獨稱 結昴為堂圖孺子像祠以中牢率州之賓屬拜馬漢至 思至今則世之欲以智力取勝者非惑歟孺子墓失其 唐荆川曰此篇三段第一段殺黨錮諸賢及孺 子事第二段比論二事第三段叙作亭 每尺八人买文沙

一多定匹庫全書 事常蔽於其智之不周而辨常過於所感智足以周於 閬州張矦廟記 覽前大半篇曾公似薄張焦有不必祀之意其 此言為正姑錄而存之以見子固自是一家言 以張矦方其與關壽亭佐昭烈百戰以立帝業 所按經典以相折東處雖有本領而予之意竊 於蜀祭法所謂以勞定國則祀之者也恐須按

精神之極其叩之無端其測之甚難而尊而信之如此 蟲鼠豕之害凡一慝之作世常有祈有報未之有止也 **灼龜審於夢寐其為事至淺世常尊而用之未之有改** 其備者皆聖人之法何也彼有接於物者存乎自然世 之未之有廢也水旱之災日月之變與夫兵師疾癘昆 とこうこ こよう 金縢之書雲漢之詩其意可謂至而其辭可謂盡矣夫 事而辨至於不感則理之微妙皆足以盡之今夫推策 也坊庸道路馬蠶貓虎之靈其為類至細世常嚴而事 唐宋八大家文鈔

智而聽於神也繇是觀之則首卿之言以謂雩筮救日 故古之有為於天下者盡已之智而聽於人盡人之智 周於事而其辨足以不感則理之微妙皆足以盡之也 既不得而無則聖人固不得而廢之亦理之自然也聖 小人以為神者以疾夫世之不盡在乎已者而聽於人 **鬼神其依龜筮協從所謂盡巳之智而聽於人盡人之** 而聽於神未有能廢其一也書曰朕志先定詢謀僉同 人者豈用其聰明哉善因於理之自然而已其智足以

金好四月全世

卷一百四

たこりしいまう 新之矣以智勇為將號萬人敵當蜀之初與魏將張郃 熟閬人以謂張矣之賜也乃相與率錢治其廟舍大而 年而廟祀不廢每歲大旱禱雨輒應嘉祐中比數歲連 於蜀為巴西郡蜀車騎將軍領司隸校尉西鄉張集名 相距於此能破邻軍以安此土可謂功施於人矣其殁 飛宇益德常守是州州之東有張族之冢至今千有餘 則過矣蔽生於其智之不周而過生於其所感也閬州 不盡在乎人者而聽於神其可也謂神之為理者信然

唐宋八大家文鈔

金号口匠石量 聞于古者告之 哉知州事尚書職方員外郎李君獻卿字材叔以書來 也又能澤而賜之則其食於閬人不得而廢也豈非宜 曰為我書之材叔好古君子也乃為之書而以予之所 撫州顏魯公祠堂記 魯公之臨大節而不可奪處凡四五而曾公之 洟不能自巳 文亦足以畫一而點綴之令人讀之而汝然涕 卷一百四

宰相不悅斥去之又為御史唐旻所構連輒斥李輔國 為之備祿山既舉兵與常山太守杲卿伐其後賊之不 贈司徒魯郡顏公諱真卿事唐為太子太師與其從父 ストラシ 時與元載爭論是非載欲有所壅蔽公極論之又輒斥 能直闚潼關以公與果卿撓其勢也在肅宗時數正言 烈也初公以忤楊國忠斥為平原太守策安祿山必反 兄杲卿皆有大節以死至今雖小夫婦人皆知公之為 遷太上皇居西宮公首率百官請問起居又輒斤代宗 1. Li 唐宋八大家文鈔

土門同日歸公者十七郡得兵二十餘萬縣此觀之苗 希烈陷汝州杷即以公使希烈希烈初慙其言後卒縊 楊炎盧把既相德宗益惡公所為連斥之猶不滿意李 山既反天下莫不震動公獨以區區平原遂折其鋒四 任政天下日入於弊大盗繼起天子朝出避之唐之在 順且誠天下從之矣自此至公殁垂三十年小人繼續 方聞之爭奮而起唐卒以振者公為之倡也當公之開 公以死是時公年七十有七矣天實之際久不見兵祿

多定四库全書

於勢窮義有不得不死雖中人可勉馬況公之自信也 性然也故公之能處其死不足以觀公之大何則及至 屠之說不皆合於理及其奮然自立能至於此者益天 若至於起且仆以至於七八遂死而不自悔者則天下 者寡矣至於再三忤於世失所而不自悔者益未有也 敷維歴件大奸 顛跌撼頓至於七八而終始不以死生 朝臣多畏怯觀望能居其間一件於世失所而不自悔 人而已若公是也公之學問文章往往雜於神傑浮

欠こうしつ ハナラー

唐宋八大家文砂

清伊尹之任孔子之時彼各有義夫既自比於古之任 尚書屯田員外郎通判撫州林君某相與慕公之烈以 者數今天子至和三年尚書都官郎中知無州聶君某 者矣乃欲捲顧回隱以市於世其可乎故孔子惡鄙夫 之大也夫世之治亂不同而士之去就亦異若伯夷之 禍福為秋毫顧慮非篤於道者不能如此此足以觀公 公之嘗為此那也遂為堂而祠之既成二君過予之家 不可以事君而多殺身以成仁者若公非孔子所謂仁

金好四月全書

卷一百四


たこりはんかう 事之以風示當世為法令之所不及是可謂有志者也 之有無益人之嚮往之不足者非祠則無以致其志也 政非法令所及者世不復議二君獨能追公之節尊而 聞其烈足以感人沉拜其祠而親炙之者歟今州縣之 而告之曰願有述夫公之赫赫不可盡者固不繫於祠 唐荆川曰此文三叚第一 分作兩項而混成一片絕無痕跡此是可法處 三段紋立祠之事敘事議論處皆以捍賊忤奸 唐宋八大家文鈔 段敘第二段議論第

心而已矣非有待於外也然而有表其問名其鄉欲其 世而名不稱馬者所以與人同其行也人之於君子潛 金岗四周分書 君子之於已自得而已矣非有待於外也然而曰疾没 尹公亭記 善出奇曾子固於顏魯公之捍賊則略之而獨 言忤好而不悔此是文之微顯闡幽處 又曰歐陽公於王彦章之忠則略之而獨言其 卷一百四

大三丁三 ハトラ 其所學益不以貧富貴賤死生動其心故其居於隨日 人而人人自以為不能及於是時尹公之名震天下而 勢者所容詢是州居於城東五里開元佛寺之金燈院 尹公有行義文學長於辨論一時與之遊者皆世之聞 慶歷之間起居舍人直龍圖閣河南尹公洙以不為在 之道而異乎百家之說也隨為州去京師遠其地僻絕 也内有以得諸已外有以與人同其好此所以為先王 風聲氣烈暴於世之耳目而無窮者所以與人同其好 唐末八大家文沙

其冬李公以圖走京師屬予記之益尹公之行見於事 亭崎之於北於是隨人皆喜慰其思而又獲遊觀之美 覆之既成而寬深亢爽環隨之山皆在儿席又以其舊 景平刻石記其事至治平四年司農少卿贊皇李公禹 之北阜竹柏之間結茅為亭以差為嬉歲餘乃去既去 卿為是州始因其故基增庫益狹斬材以易之陶瓦以 而人不恐廢壞輔理之因名之曰尹公之亭州從事謝 考圖書通古今為事而不知其官之為謫也當於其居

金好四月全書



滄海以娛其意於山水之間豈有徜徉肆恣而又嘗自 故跡豈信然邪方羲之之不可强以仕而嘗極東方出 則學固豈可以少哉況欲深造道徳者耶墨池之上今 致者非天成也然後世未有能及者豈其學不如彼耶 体於此邪義之之書晚乃善則其所能葢亦以精力自 川記云也羲之嘗慕張芝臨池學書池水盡黑此為其 上有池窪然而方以長曰王羲之之墨池者荀伯子臨

臨川之城東有地隱然而高以臨于溪曰新城新城之

卷一百四

金月四月月十

たいりしいかう 尚之如此況仁人莊士之遺風餘思被於來世者如何 心豈愛人之善雖一能不以廢而因以及乎其跡邪其 亦欲推其事以勉其學者邪夫人之有一能而使後人 之六字於楹間以揭之又告於鞏曰願有記惟王君之 州學舍教授王君威恐其不章也書晉王右軍墨池 飲歸亭記 渾雄中并見典刑 唐宋八大家文纱 <u>+</u>

立武記之所謂四時教士贯革之射是也古者海內洽 教士於其間而名之曰飲歸之亭以書走臨川請記於 多好四月全書 和則先禮射而弓矢以立武亦不廢於有司及三代衰 記之所謂質燕鄉飲大射之射是也其貴力而尚技以 得解乃記之曰射之用事已遠其先之以禮樂以辨德 予請數反不止予之言何足取汪君徒深望予也既不 王政缺禮樂之事相屬而盡壞揖讓之射滋亦熄至其 金溪尉汪君名遘為尉之三月斤其四垣為射亭既成 卷一百四 つい ブー・ノー・ 步趨遲速之節皆宜有法則其所教亦非獨射也其幸 **衆雖小然其旗旄鐲鼓五兵之器便習之利與夫行止** 六藝之文而其有從事者由世之尚簡者勝也爭奪與 而在乎無事之時則得以自休守境而填衛百姓其不 其不以勢哉今尉之校射不比乎禮樂而貴乎投力其 而戰禽攻取之黨奮則强弓疾矢巧技之出不得而廢 行之不難然自秦漢以來千有餘歳衰微紬塞空見於 唐状八七以文砂

後天下嘗集國家嘗閒暇矣先王之禮其節文皆在其

所以教士汪君又謂古者師還必飲至於廟以紀軍實 幸殺越剽攻駭驚問巷而並逐於大山長谷之問則將 禮義禁盜宜可止顧乃習關而喜勝其是歟夫治固不 汪君之志與其識可謂協矣或謂汪君儒生尉文吏以 今廟廢不設亦欲士勝而歸則飲之於此遂以名其亭 入千里而與之有事則士其可以不素毅哉今亭之作 犯晨夜蒙霧露陷阨馳危不避矢石之患湯火之難出 可以不兼文武而施澤於堂廳之上服冕縉笏使士民 巻一百四

多定匹庫全書

屬以落之既而以書走京師屬鞏曰為我記之鞏辭不 熈寧元年冬廣德軍作新門鼓角樓成太守合文武實 能書反覆至五六辭不獲乃為其文曰葢廣徳居吳之 大者固可以兼小未有小不治而能大也故汪君之汲 化好完息者固亦在彼而不在此也然而天下之 汲於斯不忽乎任小而非所謂有志者耶 廣徳軍重修鼓角樓記 幅尺自好 **事书\七爻之》**

中度程治平四年尚書兵部員外郎知制誥錢公輔守 遠人用宜之而門問監庫樓觀弗飾於以納天子之命 專決體如大邦自是以來田里辨爭歲時稅調始不勤 之太宗皇帝在位四年乃按地圖因縣立軍使得奏事 金定匹庫全書 是邦始因豐年聚材積土將改而新之會尚書駕部郎 出令行化朝夕吏民交通四方覽示賓客弊在簡陋不 赴訴財貢輸入以縣附宣道路回阻衆不便利歷世久 西疆故鄣之墟境大壤沃食貨富穰人力有餘而獄訟 白

是四器列而棲之邦人士女易其聽觀莫不悅喜推美 至於伐鼓鳴角以警昏昕下漏數刻以節晝夜則又新 理於是出納士吏賓客於是馳走尊施一邦不失宜稱 卒功崇墉崛與複宇相瞰壯不及僣麗不及奢憲度政 督不期役者自勸自冬十月甲子始事至十二月甲子 揆時尼徒以畚以築以繩以削門阿是經觀闕是營不 誦勤夫禮有必隆不得而殺政有必舉不得而廢二公 朱公壽昌來繼其任明年政成封內無事乃擇能吏

次とり事とは

唐宋八大家文鈔

之下於二公之徳尚有考也 武陵柳侯圖其青陵之居屬予而敘以書曰武陵之西 北有湖屬于梁山者白馬湖也梁山之西南有田屬于 於是兼而得之宜刻金石以書美實使是邦之人百世 分グロルノー 歸老橋記 文有古者詩人風刺之義錄之 一百四

青陵之西二百歩有泉茁於兩崖之間而東注于湖者

湖上者吾之先人青陵之田也吾築廬於是而將老馬

之奇變弄泉而乘月遺氛埃之溷濁此吾所以處其怠 倦而樂於自遂也吾少而安馬及壯而從事于四方累 有喬木之繁陰籍有豐草之幽香登山而凌雲覽天地 而逐鱣鮪之潛泳吾所以衣食其力而無愧於心也息 來有事於吾廬者與吾異日得老而歸皆出於此也故 有稅稌而渚有蒲蓮弋于高而追見雁之下上緡于深 題之日歸老之橋維吾先人遺吾此土者宅有桑麻田 曰采陵之澗吾為橋於其上而為屋以覆之武陵之往

大二日巨 八十

唐宋八大家文钞

養老之具既不備士大夫之老於位者或嬪而去之也 矣士大夫之致其位者曰不敢煩以政益尊之也而士 吾後人之有考以承吾志也余以謂先王之養老者備 者或無以為歸今吾有是以成吾樂也其為我記之使 朝而榮於龍禄以為觀遊于此而吾亦將老矣得無志 金分四月全書 於歸哉又曰世之老於官者或不樂於歸幸而有樂之 乎萬物之自外至者未嘗不思休于此也今又獲位于 亦皆明於進退之節無留祿之人可謂兩得之也後世 卷一百四 Va. 19 1. 1. 1. 志於退也如此聞其風者亦可以興起矣乃為之記 十齒髮未衰方為天子致其材力以惠澤元元之時雖 欲遺章綬之紫從湖山之樂余知未能遂其好也然其 然士猶有冒而不知止者可謂兩失之也令柳俣年六 越州趙公救菑記 總救畜者熟讀此文則於地方之流亡如掌股 其事亦絲理髮櫛而無一不入於機杼及其髻 趙公之救菑絲理髮櫛無一 唐宋八大家文鈔 遺漏而曾公之記

金员四库全書 熈寧八年夏吳越大旱九月資政殿大學士右諫議大 間矣

鄉民能自食者有幾當廪於官者幾人溝防構築可飲 民使治之者幾所庫錢倉栗可發者幾何當人可募出 夫知越州趙公前民之未饑為書問屬縣菑所被者幾

書以對而謹其備州縣吏錄民之孤老疾弱不能自食

栗者幾家僧道士食之羨栗書於籍者其幾具存使各

者二萬一千九百餘人以告故事歲廪窮人當給栗二

X1.10 1.01 2.4.17 之食憂其且流亡也於城市郊野為給栗之所凡五十 **糶又為之出官 栗得五萬二千餘石平其價予民為糶** 足用也取吏之不在職而寓於境者給其食而任以事 有七使各以便受之而告以去其家者勿給計官為不 半之憂其衆相踩也使受栗者男女異日而人受二日 萬八千餘石佐其費使自十月朔人受栗日一升幻小 千石而止公飲富人所輸及僧道士食之羨者得栗四 不能自食者有是具也能自食者為之告富人無得閉 唐宋八大家文針

女者使人得收養之明年春大疫為病坊處疾病之無 者或便宜多輒行公於此時蚤夜憊心力不少懈事 止而事有非便文者公一以自任不以煩其屬有上請 使在處隨收瘞之法廪窮人盡三月當止是歳盡五月 歸者募僧二人屬以視醫藥飲食令無失所時凡死者 民取息錢者告富人縱予之而待熟官為責其償棄男 栗之所凡十有八使羅者自便如受栗又僦民完城四 一百丈為工三萬八千計其傭與錢又與栗再倍之

金分四月分書

卷一百四

時其法足以傳後世益萬於之行治世不能使之無而能 越民饑饉疾癘死者殆半菑未有鉅於此也天子東向 於轉死雖死得無失飲埋皆公力也是時旱疫被於吳 得其依歸所以經營綏輯先後始終之際委曲纖悉無 細必躬親給病者藥食多出私錢民不幸罹旱疫得免 為之備民病而後圖之與夫先事而為計者則有問矣 不備者其施雖在越其仁足以示天下其事雖行于一 憂勞州縣推布上恩人人盡其力公所拊循民尤以為


とこうう シトラ

唐宋八大家文鈔

之有志於民者不幸而遇歲之舊推公之所已試其科 條可不待頃而具則公之澤豈小且近乎公元豐二年 朝廷豈弟之實在於身者此不著著其荒政可師者以 以大學士加太子少保致仕家于衢其直道正行在於 為越州趙公教菑記云 公所推行樂為之識其詳豈獨以慰越人之思將使吏 不習而有為與夫素得之者則有問矣予故采於越得 唐宋八大家文鈔巻一百四

金分四月全書

卷一百四



其變化者大量遠哉生於心而已矣若夫極天下之知 秋冬來請記於京師屬余有亡妹殤女之悲不果為明 嘉祐六年尚書虞部員外即梅君為徐之蕭縣改作其 能安之則萬物自外至者安能累我哉此君子之所以 以窮天下之理於夫性之在我者能盡之命之在彼者 止至冬乃為之記曰夫人之所以神明其德與天地同 年春又來請屬予有悼亡之悲又不果為而其請猶不 治所之東亭以為燕息之所而名之曰清心之亭是歲 卷一百五

金好四月全書

大心日日 七十月 聞者馬十一月五日南豐曾鞏記 其所存者亦可謂能知其要矣乃為之記而道予之所 為遊觀之美益所以推本為治之意而且將清心於此 治其國家天下者可知矣今梅君之為是亭曰不敢以 之所以齊其心也虛其心者極乎精微所以入神也齊 其心者由乎中庸所以致用也然則君子之欲修其身 **这者亦未嘗廢也於是有法誠之設邪僻之防此君子** 虚其心也萬物不能累我矣而應乎萬物與民同其吉 唐宋八大家文鈔

金万四月五十 滁州之西南泉水之涯歐陽公作州之二年構亭曰豐 醒心亭記 未盡子固之長然亦有典刑處 唐荆川曰程朱以前此等議論亦少 卷一百五

山之高構亭曰醒心使鞏記之凡公與州賓客者遊馬

則必即豐樂以飲或醉且勞美則必即醒心而望以見

夫羣山之相環雲煙之相滋曠野之無窮草樹衆而泉

樂自為記以見其名之意既又直豐樂之東幾百歩得

とこりをから 賢韓子殁數百年而始有之今同遊之賓客尚未知公 而無為於上吾民給足而無憾於下天下學者皆為才 且良夷狄鳥獸草木之生者皆得其宜公樂也一山之 以見其實又善者矣雖然公之樂吾能言之吾君優游 之北湖之詩云噫其可謂善取樂於山泉之間而名之 醒更欲久而忘歸也故即其所以然而為名取韓子退 石嘉使目新乎其所覩耳新乎其所聞則其心灑然而 泉之旁豈公樂哉乃公所以寄意於此也若公之 唐宋八大家文钞

尚書司門員外郎晉國裴君治撫之二年因城之東隅 多好四月全書 文之次其又不喜且幸敷 此者其可不喜且幸飲而輩也又得以文詞託名於公 之難遇也後百千年有慕公之為人而覽公之迹思欲 見之有不可及之嘆然後知公之難遇也則凡同遊於 擬峴臺記 記來 此記大畧本柳宗元訾家洲歐陽公醉翁亭等

沙巴马草产号 而喜增甓與土易其破缺去榛與草發其亢與繚以横 藏棄委於榛裝茀草之間未有即而爱之者也君得之 喜之觀環撫之東南者可坐而見也然而雨隱潦毀益 盤覆以高甍因而為臺以脫埃氖絶煩嚣出雲氣而臨 其外連山高陵野林荒墟逐近高下壯大閎廓恠奇可 之東其城因大丘其隍因大谿其隅因客土以出谿上 作臺以遊而命之曰擬峴臺謂其山谿之形擬乎峴山 也數與其屬與州之寄客者遊而問獨求記於予初州 唐宋八大家文纱

薄星辰至於平岡長陸虎豹踞而龍蛇走與夫荒蹊聚 者皆出乎預爲之下山之蒼顏秀壁與崖拔出挾光景而 內若夫雪煙開飲日光出没四時朝幕雨陽明晦變化 落樹陰晚暖遊人行旅隱見而斷續者皆出乎稱席之 山技木之奔放至於高桅勁艫沙禽水獸下上而浮沉 飲者淋漓歌者激烈或觀觀微步旁皇徒倚則得於耳 不同則雖覽之不厭而雖有智者亦不能窮其狀也或

分グログイゴー

風雨然後谿之平沙漫流微風遠響與夫浪波沟湧破

百五

撫非通道故貴人富賈之遊不至多良田故水旱螟螣 之美亦將同其樂也故予為之記 發召之役也君既因其土俗而治簡靜故得以休其暇 不收五穀之積於郊野者不垣而晏然不知抱皷之警 之苗少其民樂於耕桑以自足故牛馬之收於山谷者 目與得之於心者雖所寓之樂有殊而亦各適其適也 日而寓其樂於此州人士女樂其安且治而又得遊觀 王遵岩曰繁絃急管促節會音喧動嘈雜若不

とこうシ シトラ

唐宋八大家文钞

金好四庫全書 閩故隸周者也至秦開其地列於中國始并為閩中 則院於兩山之間山相屬無間斷累數驛廼一得平 自粤之大末與吳之豫章為其通路其路在閩者陸出 為縣大為州然其四顧亦山也其途或逆坂如緣絙 道山亭記 曾子固本色 **竦加以惟悅此文之謂矣** 知其宮商之所存而度數齊自皦如使聽者激 卷一百五:

或垂崖如一 其土長川居之人非生而習水事者不敢以舟楫自任 旋若輪其激若矢舟泝浴者投便利失毫分輒破溺雖 也其水陸之險如此漢嘗處其衆江淮之間而虚其地 隙間或衡縮蟉糅或逆走旁射其狀若蚓結若蟲鏤其 其間如林立如士騎滿野千里下上不見首尾水行其 非其土人罕不躓也其谿行則水皆自高瀉下石錯出 發擇然後可投步負戴者雖其土人猶側足然後能進 髮或側徑鉤出於不測之谿上皆石芒峭 唐卜人人庆文》

宮又特盛城之中三山西曰閩山東曰九僊山北曰粤 葢以其陋多阻豈虚也哉福州治侯官於閩為土中所 謂閩中也其地於閩為最平以廣四出之山皆遠而長 其環詭殊絶之狀葢巳盡人力光祿卿直昭文館程公 以屋室鉅麗相矜雖下貧必豐其居而佛老子之徒其 潮汐舟載者晝夜屬于門庭麓多桀木而匠多良能人 王山三山者鼎趾立其附山葢佛老子之宮以數十百 江在其南大海在其東其城之內外皆涂旁有溝溝通

欽定匹庫全書

とうこ 以治行聞既新其城又新其學而其餘功又及於此益 邑之大宮室之際不下簟席而盡於四矚程公以謂在 為是州得閩山氨鉴之際為亭於其處其山川之勝城 其歲滿就更廣州拜諫議大夫又拜給事中集賢殿修 且險又將抗其思於埃塩之外其志壯哉程公於是州 往程公能因其地之善以寓其耳目之樂非獨忘其遠 洲之山故名之曰道山之亭閩以險且遠故仕者常憚 江海之上為登覽之觀可比於道家所謂蓬萊方丈瀛 唐宋八大家文钞

金足匹庫全書 撰今為越州字公闢名師孟云 予幼則從先生受書然是時方樂與家人童子嬉戲上 學舍記

下未知好也十六七時闚六經之言與古今文章有過

人者知好之則於是銳意欲與之並而是時家事亦滋

出自斯以來西北則行陳蔡熊苦雕汴淮泗出于京師

東方則絕江舟漕河之渠踰五湖並封禺會稽之山出 于東海上南方則載大江臨夏口而望洞庭轉彭蠡

欽定四庫全書 所志與夫弟婚妹嫁四時之祠屬人外親之問王事之 營以養也天傾地壞殊州獨哭數千里之遠抱喪而南 燠風波霧毒不測之危此予之所單遊遠寓而冒犯以 蛟魚沟涌湍石之川嶺崖恭林摳虺之聚與夫雨賜寒 輸此予之所皇皇而不足也予於是力疲意耗而又多 **積時之勞乃畢大事此予之所遘禍而憂艱也太夫人** 勤也衣食藥物廬舍器用箕筥碎細之間此予之所經 庾嶺繇真陽之瀧至南海上此予之所涉世而奔走也 唐宋八大家文鈔

之作者為並以足子之所好慕此子之所自視而嗟也今 天子至和之初予之侵擾多事故益甚予之力無以為 得專力盡思琢彫文章以載私心難見之情而追古今 予顧而笑曰是予之宜也予之勞心困形以役於事者 凡為身治人世用之損益考觀講解有不能至者故不 疾言之所序益其一二之指也得其間時挾書以學於 有以為之矣子之甲養館廬冗衣韓飯也見之美隱約 乃休於家而即其旁之草舍以學或疾其卑議其隘者

港一 百 五

挾長而有恃者所得為若予之拙豈能易而志彼哉遂 歷道其少長出處與夫好慕之心以為學舍記 有不暇也若夫土堅木好高大之觀固世之聰明豪焦 而安者固予之所以遂其志而有待也予之疾則有之 可以進於道者學之有不至至於文章平生所好慕為之 又自不同也 然大意亦自醉翁亭真州東園二篇體中變出 王遵岩曰此亦是先生獨出一體在韓歐未有

秋での車を告!

唐宋八大家文鈔

然而樂世固有處廊廟之貴抗萬乘之富吾不願易也 非其器所長况使之爭於勢利愛惡毀譽之間邪然吾 人之性不同於是知伏閒隱隩吾性所最宜驅之就煩 得鄰之茀地燔之樹竹木灌蔬於其間結茅以自休囂 合りセルノニ 南軒記 子固所自為學具見篇中矣 Ā

親之養無以脩吾之昆弟飯菽藿羹之無以繼吾之役

於物或田於食或野於宿不得常此處也其能無飲然

傳吾悉得於此皆伏義已來下更春漢至今聖人賢者 之矣士固有所勤有所肆識其皆受之於天而順之則 與夫論美刺非感微託遠山鑱冢刻浮誇詭異之文章 **魁傑之材殫歲月憊精思日夜各推所長分辯萬事之** 遠無與處於是也然而六藝百家史氏之籍箋疏之書 吾亦無處而非其樂獨何必休於是邪顧吾之所好者 於心邪少而思凡吾之拂性苦形而役於物者有以為 下至兵權歷法星官樂工山農野圃方言地記佛老所 唐书八大家文钞

之其過也改趨之以勇而至之以不止此吾之所以求 友非邪吾窺聖人指意所出以去疑解蔽賢人智者所 安危存亡之致無不畢載處與吾俱可當所謂益者之 或爱而譽之週也吾之足於義或惡而毀之者亦過也 於內者得其時則行守深山長谷而不出者非也不得 其時則止僕僕然求行其道者亦非也吾之不足於義 稱事引類始終之槩以自廣養吾心以忠約守而恕行 說其於天地萬物小大之際修身理人國家天下治亂

金是四庫全書

學者雖博而所守者可謂簡所言雖近而易知而所任 者可謂重也書之南軒之壁間蚤夜覽觀馬以自進也 彼何與於我哉此吾之所任乎天與人者然則吾之所 鵝湖院佛殿記 皆謂之大文字矣 國之財以自侈亦是不肯放倒自家面目處 公為記佛殿而却本佛殿之所以獨得刼民與 王遵岩曰學舍南軒二記與筠州宜黄兩學記 1.1. **唐秋八大家文钞**

為當然予不知其何以然也今是殿之費十萬不已必 或暴露其身材武之士或秉義而死農工商之民或失 勞於議謀材武之士勞於力農工商之民勞於賦飲而 多足匹库全書 與寢自如也資其宮之侈非國則民力焉而天下皆以 其業惟學佛之人不勞於謀議不用其力不出賦飲食 天子嘗減來與掖庭諸費大臣亦往往離賜錢士大夫 來請記遂為之記曰自西方用兵天子宰相與士大夫 慶歷某年某月日信州鉛山縣鵝湖院佛殿成僧紹元 人 一! 百, 五;

門之作取備豫而已然天子諸侯大夫各有制度加于 也其費如是廣欲勿記其日時其得邪而請予文者又 度則譏之見于易禮記春秋其旁三門門三塗惟王城 紹元也故云耳 百萬也百萬不已必千萬也或累累而千萬之不可知 僊都觀三門記 曾公凡為佛老氏輩題文必為自家門第

次已の自己的

為然老子之教行天下其宮視天子或過馬其門亦三

唐宋八大家文鈔

金发巴尼石量 宮可田其獲之多與他壤倍水旱之所不能灾予嘗視 南城縣麻姑山僊都觀世傳麻姑於此僊去故立祠在 损知春秋者所太息而已甚矣其法之蕃昌也建昌軍 之何哉其田入既饒則其宮從而侈也宜慶歷六年 之者不已與不然安有是邪則其法之蕃昌人力固如 馬距城六七里由絕嶺而上至其處地反平寬衍沃可 之其備豫之意葢本於易其加于度則知禮者所不能 而歎曰豈天遺此以安且食其衆使世之衎衎施施趨

告之天下之公也不以人之情易天下之公齊畢之取 主道士凌齊曅相其室無不修而門獨庫曰是不足以 予文豈不得所欲也夫豈以予言為厲巳也夫 稱吾法與吾力遂大之既成託予記予與齊華里人也 分寧人勤生而嗇施溥義而喜爭其土俗然也自府來 不能辭噫為里人而與之記人之情也以禮春秋之義 分寧縣雲峰院記 於雲峰院無涉而意甚奇

たこうら たかり

唐宋八大家文钞

寧死無所捐其於施何如也其間利害不能以梯米父 金员四周全書 知也長少族坐里問相講語以法律意嚮小戾則相告 宜雜植五穀無廢壤女婦蠶杼無懈人茶鹽蜜紙竹箭 之家留一人守舍行饈其外盡在田田高下磽腴隨所 子兄弟夫婦相去若实基然於其親固然於義厚薄可 田千畝廪實藏錢至累歲不發然視捐一錢可以易死 材葦之貨無有纖鉅治咸盡其身力其勤如此富者兼 抵其縣五百里在山谷館處其人修農桑之務率數口 卷一百五:

言棲客之廬齊庖庫庾序列兩旁浮圖所用鐃皷魚螺 景德三年色僧道常治其院而後之門題靚深殿寢言 教使移也雲峰院在縣極西界無籍圖不知自何時立 交迹不以屬心其喜爭訟豈比他州縣哉民雖勤而習 摹文書以紿吏立縣庭下變偽一日千出雖笞扑徒死 計結黨詐張事關節以動視聽甚者畫刻金木為章印 鐘磬之編百器備完吾聞道常氣質偉然雖索其學其 如是漸涵入骨髓故賢令長佐吏比肩常病其未易治 与ドノンにとり ē

敏定匹庫全書 字買石刻之使永永與是院俱傳可不可也成曰然推 自意成就如此今老矣恐泯泯無聲界來人相與圖文 其嗇施喜爭之心可喜也或曰使其人不汨溺其所學 必也慶歷三年九月與其徒謀曰吾排蓬雚治是院不 餘輒斥散之不為黍累計惜樂淡泊無累則又若能勝 其徒子思來請記遂來予不讓為申其可言者寵嘉之 歸未能當於義然治生事不廢其勤亦稱其土俗至有 一當於義則傑然际邑人者必道常乎此予未敢

使刻示邑人其有激也 萊園院佛殿記 此篇無它結構只是不為佛殿所困窘便是高

處

來乞予文以為記初萊園有籍於尚書有地於城南五 饒傑相與本民錢為殿於其院成以佛之像置其中而 慶歷八年四月撫州萊園僧可栖得州之人高慶王明

里而草木生之牛羊踐之求屋室居人馬無有也可栖

微細無不受浸漸積累期月而用以足役以既自可栖 **金定四庫全書** 小致大以難致易而其所為無一不如其志者宣獨 之來居至於此益十年矣吾觀佛之徒凡有所與作其 之房棲客之舍而合其徒入而居之獨殿之役最大自 矣遂以醫取資於人而即其處立寢廬講堂重門齊庖 度其力不能為乃使慶明傑持簿乞民間有得輛記之 至則喜曰是天下之廢地也人不爭吾得之以老斯足 人皆用力也勤刻意也專不肯茍成不求速效故善以 唐宋八大家文剑

語曰苟一時之利耳安能必世百年為教化之漸而待 殖之如此至於世儒習聖人之道既自以為至矣及其 豈不近是哉噫佛之法固方重於天下而其學者又善 攟摭纖悉忘十年之久以及其志之成其所以自致者 說足以動人哉其中亦有智然也若可栖之披攘經營 以得志於其間也由是觀之反不及佛之學者遠矣則 遲久之功哉相薰以此再歷千餘載雖有賢者作未可 任天下之事則未嘗有勤行之意堅持之操少長相與 唐秋八大灾文沙

金足匹庫全書 味家貧以進士從鄉舉有能賦名初進於有司連鄉點 著其能亦媤吾道之不行也已 茶場以死死不能歸藝亦不能返其孥里中人聞渥死 洪渥撫州臨川人為人和平與人游初不甚歡久而有 彼之所以盛不由此之所自守者衰歟與之記不獨以 久之乃得官官不自馳騁又久不進卒監黄州麻城之 洪渥傳 有深思有法度 巻一百五 とこうこしいに 赴人之急早夜不少懈其與人真有恩者也予觀古今 老也渥兄弟如此無愧矣渥平居若不可任以事及至 拏欲返之而居以其田其拏益弱力不能自致其兄益 已老矣無可奈何則念輒悲之其經營之猶不已忘其 渥至官量口用俸掇其餘以歸買田百畝居其兄復去 而之官則必安馬渥既死兄無子數使人至麻城撫其 死週間有兄年七十餘渥得官而兄已老不可與俱行 無賢愚皆恨失之予少與渥相識而不深知其為人渥 吉永へ大家文沙

多是四库全書 豪傑士傳論人行義不列於史者往往務摭奇以動俗 人人所易到故載之云 及雖歸之輔教警世然考之中庸或過矣如渥所存益 亦或事高而不可為繼或伸一人之善而誣天下以不 唐宋八大家文鈔卷一百五 卷一百五: